

YANG BIKING CARITA DENG GAMBAR INI WILLEM DE VINK

ANTUA ITU SAPA?

RAJA BASAR YESUS PUNG CARITA



CARITA YANG PALING LUAR BIASA DARI DOLO SAMPE SKARANG


ARTI DARI:



Alkitab: Allah pung kitab-kitab suci. Ada kitab paling banya di akang pung dalam, macam deng Allah pung juru-juru bicara pung kitab-kitab, kitab Taurat, Mazmur, deng Injil.



Allah pung Ana: Yesus itu Allah pung Ana, barang Antua itu Allah yang datang di dunia ini jadi manusia.



Berkat: Apa saja yang bai yang katong dapa di dunia ini, itu Allah yang kasi akang par katong.

Sambayang: Katong bisa bilang apa saja par Allah deng suara yang orang bisa dengar ka cuma dalam hati saja. La bisa paki bahasa apa saja, di mana saja deng kapan saja. Waktu katong sambayang, katong bisa bicara deng Allah macam deng katong pung bapa yang salalu sayang katong. (hlm. 18, 19, 42)



Dosa: Manusia pung kalakuang samua yang malawang Allah pung mau.

Hidup deng Allah sampe selamanya: Sapa saja yang sarakan dia pung hidup par Raja Basar Yesus, dia nanti hidup deng Allah sampe selamanya.



Hidup Kembali: Sama deng Raja Basar Yesus yang hidup kembali dari orang mati pung tampa, bagitu lai samua orang yang mati nanti hidup kembali lai waktu dunia ini su mau abis, deng nanti Allah kas tunju sapa yang batul deng sapa yang sala. (hlm. 53-57)



Parcaya: Katong yakin kalo apa saja yang Allah bilang itu batul skali, deng katong yakin lai kalo Antua pung maksud par katong itu bai skali. (hlm. 58)

Datang kembali: Waktu Raja Basar Yesus datang kembali lai, nanti Allah biking bai dunia ini lai.

Allah pung Kerajaan: Akang pung maksud itu waktu katong biking iku Allah pung mau berarti Antua su jadi Raja yang parenta katong pung hidup.

Mesias: Dari bahasa Ibrani Masyiah yang pung arti "Raja Basar yang Allah su angka par kasi selamat orang-orang". Deng kata ini lai dalam bahasa Yunani orang bilang "Kristus" yang akang pung arti sama deng kata Masyiah pung arti.

Murid: Yesus pung pengikut-pengikut biasa dong bilang "Yesus pung murid". Akang dari bahasa Yunani mathetes yang pung arti "orang yang balajar dari orang laing yang labe tau". Hal itu bukang cuma par Antua pung murid-murid yang pertama saja, mo akang par orang-orang yang hidup skarang ini yang batul-batul parcaya Antua.

Pesta Paska: Orang-orang Yahudi biking pesta Paska tiap taun par inga kalo dolo-dolo Allah biking mujizat par bawa dong pung nene-moyang kaluar dari tana Mesir. Orang Kristen skarang seng biking pesta Paska itu, mo katong paki nama Paska par inga Raja Basar Yesus hidup kambali.

Kasi ampung dosa-dosa: Allah kasi ampung katong pung dosa-dosa deng cara kasi biar Antua pung Ana mati di kayu salib.

Allah pung Roh: Allah kasi Antua pung Roh tinggal di dalam samua orang yang sarakan hidup par Raja Basar Yesus (hlm. 58).

Salib: Orang Roma dolo-dolo kasi hukuman mati par orang-orang yang su biking sala, deng cara paku dong pung tangan deng kaki di dua kalang la gantung dong di kalang itu sampe dong mati. Mo Yesus yang seng ada pung sala apapa, Antua rela mati dapa salib. Jadi sampe skarang ini, samua orang yang parcaya deng mangaku Antua paki salib par inga apa yang Yesus su biking par katong.

Setang-setang pung bos basar: Ada lai yang bilang Iblis. Setang ada banya, mo Iblis cuma ada satu. Dia itu yang musu Allah deng manusia.

Yesus: Yesus pung nama itu asal dari bahasa Ibrani "Yesyua", akang pung arti "Allah yang kasi selamat".



SAPA ITU RAJA BASAR YESUS?

Yesus hidup kira-kira 2.000 tahun yang lalu di Israel. Orang-orang Kristen bilang Antua itu "Mesias" ka "Kristus", mo dua kata itu pung arti "Raja Basar yang kasi selamat orang-orang". Antua bukan cuma Raja saja barang Antua lai "Allah pung Ana" deng "Ana Manusia". Akang pung maksud, Yesus itu Allah deng Antua lai manusia. Orang su tulis Raja Basar Yesus pung kisa hidup di kitab-kitab injil di Alkitab la akang jadi carita yang paling bagus dari dolo sampe skarang.


ORANG ISRAEL PUNG HIDUP JAMAN DOLO

Waktu 2.000 tahun yang lalu itu, Raja Basar Yesus lahir. Waktu itu, orang biasa nai unta, keledai, kuda, deng lai bajalang kaki par iku jalang darat.

Waktu itu lai, kerajaan Roma pegang parenta di Afrika Utara, ampir samua daera Eropa, deng Timur Tenga sampe wilaya Israel yang orang bilang Palestina lai, dong iku dapa jaja.

Deng dolo-dolo itu lai banya orang seng tau baca, mo orang-orang Yahudi seng bagitu. Dong samua tau baca, deng suku-suku laing biasa bilang orang Yahudi itu "Orang-orang yang hidup iku kitab". Allah bicara par dong lewat Musa pung kitab Torat. Bayangkan: Allah su biking samua yang ada, mo Antua ingin skali batamang deng katong yang Antua cipta. Raja Basar Yesus su kas tunju hal itu deng jelas skali!





DAERA ISRAEL JAMAN DOLO WAKTU YESUS HIDUP

Ibu Kota: Yerusalem

Propinsi: Galilea, Samaria, Yudea.

Luas: Kira-kira 28.000 km persegi.

Iklim: Karing skali sampe tana seng subur.

Politik: Kerajaan Roma su pegang parenta di orang Israel pung tana 63 taun, waktu Yesus lahir.

Pemerintahan: Waktu jaman Yesus, ada gubernur satu nama Pontius Pilatus, dia yang parenta orang Israel pung daera. Mo orang Roma pung raja basar waktu itu nama Tiberias.

Agama: Orang Israel pung agama itu, agama Yahudi. Dong pung tanpa sambayang pusat itu, Allah pung Ruma Tinggal di Yerusalem. Deng ada imam-imam yang pung tugas biking persembahan yang orang Israel mau kasi par Allah. Deng orang Israel lai ada pung guru-guru agama (macam deng orang Farisi) yang dong pung tugas ajar orang Israel iku Musa pung kitab Torat.

Bahasa: Orang Israel pung bahasa suku bahasa Ibrani, mo dong pung bahasa hari-hari itu bahasa Aram (yang dong balajar waktu dong tinggal di Babel), deng dong banya lai tau bahasa Yunani, barang bahasa ini yang bangsa-bangsa banya paki akang jaman itu. Orang Roma pung bahasa suku itu bahasa Latin, mo orang Yahudi banya yang seng tau bahasa Latin itu. Orang Roma tau bahasa Yunani lai.

BANGSA ISRAEL PUNG DAERA, YANG ADA DI PINGGIR SUNGAI YORDAN.



KANAPA ADA ORANG BANYA BAKUMPUL DI PINGGIR SUNGAI ITU?



KAMONG BERTOBAT SUDA,
BARANG SENG LAMA LAI MO
ALLAH PARENTA MANUSIA LEWAT
RAJA BASAR YANG ANTUA
SU PILI!"





KASI BERSI KAMONG
PUNG DIRI DARI KAMONG
PUNG DOSA!



"... BARANG ORANG YANG PEGANG
MANCADU SU SIAP PAR MAU RUBU
POHON KASI RATA DENG TANA ..."



... JADI, SAMUA POHON YANG
SENG KAS KALUAR BUA YANG BAI,
NANTI ORANG POTONG AKANG
LA BUANG DI DALAM API.




KALO BAGITU, KATONG
SAMUA PASTI NANTI MACAM
DENG POHON YANG DAPA
RUBU! BARANG, SAPA YANG
BATUL-BATUL SU BERSI
DARI DIA PUNG DOSA?

BATUL SKALI! GARA-GARA ITU, NANTI
ADA SATU ORANG YANG DATANG, LA ANTUA
YANG NANTI ROBA KAMONG PUNG HATI.
ANTUA YANG KASI SLAMAT KAMONG!



JADI, KAMONG MUSTI MANGAKU
KAMONG PUNG DOSA-DOSA LA KASI
KAMONG PUNG DIRI PAR PERMANDIAN.



SKARANG KAMONG SU BERSI
DARI KAMONG PUNG DOSA-DOSA.

JADI, KAMONG MUSTI BIKING HAL-HAL
YANG BAI SAMA DENG KAMONG PUNG HIDUP
YANG SU BERSI DARI KAMONG PUNG DOSA.

LAKI-LAKI YANG BICARA DENG SUARA BASAR DENG KASI PERMANDIAN ORANG-ORANG ITU, DIA PUNG NAMA YOHANIS. ORANG-ORANG PANGGIL DIA "YOHANIS YANG KASI PERMANDIAN ORANG".

BETA INI CUMA KASI PERMANDIAN KAMONG DENG AIR. MO NANTI ADA ORANG YANG PUNG KUASA LABE BASAR LAI DARI BETA. MAU BUKA ANTUA PUNG SANDAL DARI ANTUA PUNG KAKI SAJA BETA SENG PANTAS. ANTUA NANTI KASI PERMANDIAN KAMONG DENG ALLAH PUNG ROH DENG API!

ABIS ITU, YESUS DATANG DI SUNGAI YORDAN.



BAPA E, BAPA YANG MUSTI KASI PERMANDIAN BETA.

TAKAJO BAGINI LANGIT TABUKA, LA ADA SUARA DARI LANGIT YANG BILANG,

"INI BETA PUNG ANA YANG BETA PALING SAYANG. CUMA DIA SAJA YANG KASI SANANG BETA PUNG HATI!"

KO KASI PERMANDIAN BETA SUDA, BARANG DENG BAGITU KATONG BIKING SAMUA YANG ALLAH MAU.

BAPA E, BETA MINTA BOLE ORANG-ORANG DI DUNYA INI MANGAKU PAR BAPA ITU DONG PUNG RAJA, DENG BETA MINTA BOLE APA YANG BAPA MAU JADI SUDA!

WAKTU YOHANIS YANG KASI PERMANDIAN ORANG KASI SIAP ORANG-ORANG ISRAEL PAR SAMBUT RAJA BASAR YANG KASI SLAMAT ORANG-ORANG MAU DATANG, MO KERAJAAAN ROMA KUASAI BANYA DAERA DI DUNYA INI.

MO ISRAEL CUMA BAGIANG KACIL DARI DAERA KERAJAAAN ROMA YANG BASAR ITU.

WAKTU PEMERINTA ROMA PEGANG KUASA, MO BANGSA YAHUDI BATUL-BATUL ADA TUNGGU RAJA BASAR YANG KASI SLAMAT ORANG-ORANG. DI DONG PUNG KITAB, DOLO-DOLO ALLAH PUNG JURU-JURU BICARA SU BILANG TENTANG RAJA BASAR YANG KASI SLAMAT ORANG-ORANG, KATA ANTUA NANTI DATANG LA BIKING KEPUTUSAN-KEPUTUSAN YANG BATUL, IKU ALLAH PUNG ATURAN-ATURAN.

WAKTU YOHANIS KASI PERMANDIAN YESUS DI SUNGAI YORDAN, YOHANIS KASTAU PAR ORANG-ORANG KALO YESUS ITU RAJA BASAR YANG KASI SLAMAT ORANG-ORANG.

BASUDARA E! LIA ANTUA! ANTUA ITU ALLAH PUNG ANA DOMBA. BARANG ANTUA YANG JADI KORBAN PAR TEBUS MANUSIA PUNG DOSA.

YESUS SU ABIS PERMANDIAN, LA ALLAH PUNG ROH BAWA ANTUA PI PADANG GURUN.

SAMPE DI SITU, YESUS SENG MAKANG SELAMA 40 HARI DENG 40 MALAM. ANTUA SAMBAYANG DENG KASI SIAP ANTUA PUNG DIRI PAR TUGAS YANG ALLAH SU KASI PAR ANTUA.

YESUS PUNG TUGAS PAR BIKING ANTUA PUNG BAPA PUNG MAU, PAR KASI BEBAS DUNYA INI DARI DOSA DENG KEMATIAN.

BAPA E, BETA MAU BIKING BAPA PUNG MAU!

ANTUA NANTI BAKU PRANG LAWANG IBLIS, DIA ITU YANG MUSU ALLAH DENG MANUSIA. MUSU YANG SENG KELIATAN INI BIKING SAMPE ORANG-ORANG DI DUNYA INI BAKU BINCI, DAPA PENYAKI, DENG MATI.



SETANG-SETANG PUNG BOS BASAR MULAI SERANG YESUS DI PADANG GURUN.

SETANG-SETANG PUNG BOS BASAR USAHA BUJU YESUS PAR SENG BOLE IKU ANTUA PUNG BAPA PUNG MAU.

KALO KO ALLAH PUNG ANA, COBA KO SURU BATU-BATU INI JADI ROTI.

DI ALLAH PUNG KITAB SUCI ADA TULIS KATA "MANUSIA SENG HIDUP DARI ROTI SAJA, MO DARI SAMUA PASANG YANG KALUAR DARI ALLAH PUNG MULU."



ABIS ITU, SETANG-SETANG PUNG BOS BASAR BAWA YESUS PI DI KOTA YERUSALEM, LA TARU ANTUA DI TAMPA YANG PALING TINGGI DI ATAS ALLAH PUNG RUMA TINGGAL.

KALO KO ALLAH PUNG ANA, COBA KO BUANG KO PUNG DIRI DI BAWA! BARANG DI ALLAH PUNG KITAB SUCI ADA TULIS BAGINI: "ALLAH NANTI SURU ANTUA PUNG MALEKAT-MALEKAT PAR JAGA KO BAI-BAI."

ABIS ITU, YESUS JAWAB SETANG-SETANG PUNG BOS BASAR ...

DI ALLAH PUNG KITAB-KITAB SUCI ADA TULIS LAI BAGINI: "JANG KAMONG COBA-COBA TUHAN, ALLAH YANG KAMONG SEMBA ITU."



SETANG-SETANG PUNG BOS BASAR COBA YESUS SATU KALI LAI ...

KALO KO TIKAM LUTUT LA SEMBA BETA, NANTI BETA KASI KO PARENTA SAMUA KERAJAAN DI DUNYA INI!

HE, SETANG-SETANG PUNG BOS BASAR, KALUAR DARI SINI! BARANG DI ALLAH PUNG KITAB-KITAB SUCI ADA TULIS BAGINI: "KO MUSTI SEMBA TUHAN ALLAH SAJA!"

"KO MUSTI SAMBAYANG PAR ANTUA SAJA!"

TARUS SETANG-SETANG PUNG BOS BASAR PI KASI TINGGAL YESUS, LA TUNGGU WAKTU YANG BAI PAR BALE COBA ANTUA LAI.




ABIS ITU, MALEKAT-MALEKAT DATANG PAR LAYANI YESUS.



DARI PADANG GURUN, YESUS BALE LAI DI DAERA GALILEA, MO ALLAH PUNG ROH KASI KUASA PAR ANTUA PAR AJAR ORANG DENG KASI SEMBU ORANG.

DI PERJALANAN ORANG BANYA IKU YESUS. DONG MAU TAU PAR YESUS BATUL-BATUL RAJA BASAR YANG JURU-JURU BICARA SU BILANG DOLO-DOLO KATA ANTUA NANTI DATANG KASI SLAMAT DONG.

SATU KALI BAGINI DI KOTA SATU
NAMA KANA, ADA PESTA KAWING.




YESUS LAI ADA DI SANA SAMA-
SAMA DENG ANTUA PUNG MAMA
DENG TAMANG-TAMANG.



DI ORANG YAHUDI PUNG ADAT,
DONG BIASA BIKING PESTA KAWIN
ITU PALING RAME SKALI.

WAKTU ADA PESTA KAWING,
PENGANTIN LAKI-LAKI DENG
PENGANTIN PARAMPUANG PASTI
PAKI PAKIANG YANG BAGUS ...



... DENG SALALU ADA MUSIK DENG LAGU DARI PAGI SAMPE MALAM.



DENG CARA ITU, YESUS BIKING ANTUA PUNG MUJIZAT YANG PERTAMA DENG KAS TUNJU ANTUA PUNG KUASA BASAR SKALI.



DARI KANA, YESUS PI DI KAPERNAUM. ITU KOTA SATU YANG ADA DI PINGGIR DANAU GALILEA, NELAYAN BANYA DI SITU.



DI SINI YESUS MULAI KASTAU TENTANG ALLAH PUNG CARA YANG BARU PAR ANTUA PARENTA DUNYA INI, LA ANTUA PILI ANTUA PUNG MURID-MURID YANG PERTAMA.



SIMON E, KAMONG DAYUNG PARAU INI PI DI TAMPA YANG KADALAM, LA KAMONG BUANG JARING ITU BOLE DAPA IKANG.



BAPA GURU E, KATONG INI SU USAHA KARAS BAJARING SATU MALAM ANTERO, MO SONDOR DAPA APAPA LAI ...



... MO BARANG BAPA GURU YANG SURU, JADI NANTI BETA BUANG JARING ITU LAI.



SENG LAMA LAI ...

APA? MASA?! PALING BANYA SKALI!





YESUS DENG ANTUA PUNG MURID-MURID BAJALANG KULILING GALILEA. ANTUA KASTAU PAR ALLAH SU ANGKA RAJA BASAR PAR PARENTA DUNYA INI, DENG ANTUA KASI SEMBU ORANG-ORANG YANG SAKI, DENG USIR SETANG-SETANG DARI ORANG-ORANG.

TARUS ADA ORANG BANYA SKALI YANG IKU YESUS. DONG ASAL DARI BANYA TAMPA, TERMASUK BANGSA ISRAEL PUNG KOTA BASAR YERUSALEM.



ORANG-ORANG YANG INGIN SKALI BIKING APA YANG BATUL IKU ALLAH PUNG MAU, DONG ITU PALING UNTUNG, BARANG ALLAH NANTI KASI APA YANG DONG MAU.




ORANG-ORANG YANG PUNG HATI SUSA, DONG ITU PALING UNTUNG, BARANG ALLAH NANTI BIKING DONG PUNG HATI SANANG.



ORANG-ORANG YANG KAS TUNJU DONG PUNG HATI BAI PAR ORANG LAING, DONG ITU PALING UNTUNG, BARANG ALLAH NANTI KASI TUNJU ANTUA PUNG HATI BAI PAR DONG LAI.



MAT. 5-7; LUK. 6.













BIAR YESUS BIKING BANYA MUJIZAT DI TENGA-TENGA BANGSA ISRAEL, MO SENG SAMUA ORANG YANG SUKA ANTUA PUNG PELAYANAN.



ORANG-ORANG YANG SENG SUKA YESUS PUNG PELAYANAN ITU, ORANG YAHUDI PUNG PEMIMPIN-PEMIMPIN. DONG PIKIR WAKTU YESUS KASI SEMBU ORANG PAS ORANG YAHUDI PUNG HARI BARENTI KARJA, BERARTI ANTUA SU LANGGAR ALLAH PUNG ATURAN-ATURAN.














DI TENGA JALAN ...

ALLAH PUNG ANA SENG BISA BIKING APAPA IKU DIA PUNG MAU SANDIRI. ALLAH PUNG ANA CUMA BIKING APA YANG DIA LIA ALLAH BAPA ADA BIKING ...

... BARANG APA YANG ALLAH BAPA BIKING, ITU LAI YANG ANTUA PUNG ANA BIKING.



SATU KALI BAGINI, YESUS NAI DI ATAS GUNUNG SATU PAR MAU SAMBAYANG. DI ATAS GUNUNG ITU, ANTUA SAMBAYANG PAR ALLAH SATU MALAM ANTERO SAMPE PAGI.




PUNG BESO PAGI BAGINI, ANTUA PILI DUA BLAS ORANG PAR JADI ANTUA PUNG UTUSAN.

ANTUA KASI KUASA PAR DONG PAR USIR SETANG-SETANG, KASI SEMBU ORANG-ORANG DARI SEGALA MACAM PENYAKIT, DENG KASI SEMBU ORANG-ORANG CACAT.




ANTUA UTUS DONG DUA-DUA ORANG.

SIMON DENG DIA PUNG SUDARA ANDARIAS ...



YAKOBUS DENG DIA PUNG SUDARA YOHANIS ...



PILIPUS DENG BARTOLOMEUS ...



TARUS DUA BLAS MURID ITU PI DI ORANG ISRAEL PUNG KOTA-KOTA DENG KAMPUNG-KAMPUNG, LA KASTAU KABAR BAI TENTANG RAJA BASAR YANG ALLAH SU ANGKA PAR KASI SLAMAT ORANG-ORANG.

DI PERJALANAN DONG USIR SETANG-SETANG PALING BANYA DENG DONG KASI SEMBU ORANG SAKI.

WAKTU DONG BALE, YESUS AJAK MURID-MURID PI DI TAMPA YANG SUNYI, MO ORANG BANYA DATANG PAR CARI ANTUA ...





YESUS TARIMA ORANG BANYA ITU, LA ANTUA AJAR DONG TENTANG BAGIMANA ALLAH PARENTA DONG, DENG ANTUA KASI SEMBU DONG YANG SAKI.

MATAHARI SU MAU MASU ...

PILIPUS E, KIRA-KIRA KATONG BISA BALI ROTI DI MANA PAR KASI MAKANG ORANG BANYA INI?



BAPA E! BIAR ROTI HARGA 200 PERAK LAI, NANTI SENG CUKUP PAR DONG SAMUA INI. BIAR SATU ORANG CUMA DAPA SAPANGGAL SAJA, TETAP SENG CUKUP.

BAPA E! ADA ANA LAKI-LAKI SATU DI SINI YANG BAWA ROTI LIMA BUA DENG IKANG DUA EKOR ...

BAWA DATANG SINI.



SURU ORANG BANYA ITU DUDU BIKING KALOMPOK-KALOMPOK.




TARUS YESUS ANGKA MAKANAN ITU DENG MINTA TRIMA KASI PAR ALLAH




LA ANTUA RABE-RABE ROTI ITU ...



... LA ANTUA BAGI-BAGI ROTI DENG IKANG ITU.





ORANG BANYA YANG PERNA YESUS KASI MAKANG ITU, DONG MAU PAKSA YESUS JADI RAJA, BARANG ORANG ROMA ADA JAJA DONG, LA DONG HARAP ANTUA NANTI USIR ORANG ROMA DARI ORANG ISRAEL PUNG TANA.

MO WAKTU ITU, ORANG-ORANG YANG MUSU YESUS SU PALING BANYA. DONG TUDU ANTUA KATA ANTUA SU HINA ALLAH, DENG BIKING ORANG-ORANG SESAT. LA DONG USAHA PENGARU ORANG BANYA PAR USIR ANTUA.



BAPA GURU E, BAPA DATANG KAPAN?

KAMONG CARI BETA GARA-GARA KAMONG SU MAKANG ROTI YANG BETA KASI ITU SAMPE KAMONG KANYANG ...



JANG KAMONG KARJA CUMA PAR CARI ROTI YANG NANTI BISA BUSU.

MO LEBAI KAMONG KARJA PAR CARI ROTI YANG SENG BISA BUSU, ...

... YANG BISA BIKING KAMONG HIDUP DENG ALLAH SAMPE SELAMANYA.



BETA INI SUDA, ROTI YANG HIDUP, YANG SU TURUNG DARI SORGA ITU. SAPA YANG MAKANG ROTI INI, DIA NANTI HIDUP DENG ALLAH SAMPE SELAMANYA.

ROTI YANG BETA MAKSUD ITU BETA PUNG DAGING SANDIRI YANG BETA KASI PAR MANUSIA DI DUNYA INI BOLE DONG BISA HIDUP DENG ALLAH SAMPE SELAMANYA.



BAGIMANA SAMPE DIA BISA KASI DIA PUNG DAGING PAR KATONG MAKANG?

OMONG KOSONG APA INI?!



KATONG PI SUDA!


ORANG INI BIKING SAMUA ORANG SESAT!



JANG SAMPE KAMONG LAI MAU PI KASI TINGGAL BETA?

BAPA E! KATONG MAU PI PAR SAPA LAI?

CUMA BAPA SANDIRI SAJA YANG BISA KASTAU BAGIMANA KATONG BISA HIDUP DENG ALLAH SAMPE SELAMANYA.





DI TANA ISRAEL, PEMERINTA ROMA BIASA HUKUM MATI ORANG-ORANG JAHAT DENG ORANG-ORANG YANG SUKA BIKING KACO. PEMERINTA BUNU DONG DI LUAR KOTA.

DARI SAMUA HUKUMAN MATI, DAPA SALIB ITU, HUKUMAN MATI YANG PALING SENGSARA DENG YANG BIKING MALU SKALI.



SAPA YANG MAU JADI BETA PUNG MURID, BERARTI DIA SENG BOLE BIKING IKU DIA PUNG MAU SANDIRI, MO DIA MUSTI BIKING IKU BETA PUNG MAU. SAMA DENG ORANG YANG PIKUL KAYU SALIB SENG BISA BIKING IKU DIA PUNG MAU SANDIRI, MO DIA CUMA BAJALANG IKU PARENTA PAR PI DI TAMPA YANG ORANG MAU KASI SALIB DIA.



SAPA YANG BIKING IKU DIA PUNG MAU SANDIRI DENG JAGA DIA PUNG NYAWA BOLE SENG MATI GARA-GARA BETA, NANTI DIA SENG HIDUP DENG ALLAH SAMPE SELAMANYA.

MO SAPA YANG SENG BIKING IKU DIA PUNG MAU SANDIRI MO CUMA BIKING IKU BETA PUNG MAU, NANTI DIA YANG HIDUP DENG ALLAH SAMPE SELAMANYA.



KAMONG MUSTI INGA, KATONG PUNG TUHAN CUMA SATU SAJA, SENG ADA YANG LAING LAI.



DENG ANTUA PUNG PARENTA YANG PALING PENTING ITU: KAMONG MUSTI KASI KAMONG PUNG HIDUP ANTERO PAR TUHAN ALLAH YANG KAMONG SEMBA ITU. DENG KAMONG MUSTI BIKING BAI PAR ORANG LAING MACAM DENG KAMONG BIKING BAI PAR KAMONG PUNG DIRI SANDIRI.





KAMONG PI KAS TUNJU KAMONG PUNG DIRI PAR IMAM-IMAM.



PI PAR IMAM-IMAM? PAR DONG PARIKSA KATONG?

JADI KATONG NANTI SEMBU KA?



TUNGGU DOLO, KO PUNG KULI ...

?!



KATONG SU SEMBU!!



KATONG BISA PULANG!

MARI KATONG PI PAR IMAM-IMAM!

MO ADA SATU YANG BALE PAR YESUS ...



BETA PUJI TUHAN! TRIMA KASI, BAPA GURU!

... DARI DONG SAMUA, CUMA SATU SAJA YANG BALE ...



BETA SU KASI SEMBU SEPULU ORANG TO? LA SEMBILAN ORANG ITU, DONG ADA DI MANA?



BADIRI LA PULANG. KO SU PARCAYA BETA, JADI SKARANG KO SU SEMBU.

... PADAHAL DIA BUKANG ORANG ISRAEL.

ORANG YAHUDI
PUNG PEMIMPIN-PEMIMPIN
AGAMA DI YERUSALEM, KIRIM
MATA-MATA PAR DENGAR
YESUS PUNG AJARAN.

TARUS DONG USAHA
KARAS PAR MAU CARI ANTUA
PUNG SALA BOLE DONG
BISA TUDU ANTUA.

JADI INI YANG
DONG LIA DENG DENGAR
TENTANG ANTUA ...

YESUS BATAMANG DENG ORANG BERDOSA. ANTUA MAKANG
MINUM DENG PELACUR, DENG ORANG-ORANG YANG PUNG
KARJA PAKSA ORANG BAYAR PAJAK PAR PEMERINTA ROMA.

BARANG ANA MANUSIA DATANG
PAR CARI ORANG-ORANG YANG JAU
DARI ALLAH, LA KASI SLAMAT DONG.




YESUS KASI SEMBU
ORANG-ORANG LAI WAKTU
HARI BARENTI KARJA ...

KO SEMBU SUDA!



... DENG ANTUA PALING
SAYANG ANANA SKALI.

KASI BIAR ANANA KACIL ITU
DATANG PAR BETA! JANG KAMONG
LARANG DONG, BARANG ORANG
YANG MACAM ANANA KACIL INI YANG
MAU PAR ALLAH PARENTA DONG.



YESUS DAPA KABAR KALO LAZARUS, ANTUA PUNG TAMANG BAI ITU ADA SAKI BARAT.

LAZARUS TINGGAL DI BETANIA, KAMPUNG SATU YANG DEKAT DENG YERUSALEM.

YESUS SENG LANGSUNG PI DI SANA, MO DUA HARI LAI BARU ANTUA BARANGKAT, BARANG ANTUA BILANG KATA PENYAKIT ITU ADA BOLE ORANG-ORANG BISA LIA ALLAH PUNG KUASA YANG PALING BASAR.

WAKTU YESUS SAMPE DI BETANIA, LAZARUS PUNG SUDARA PARAMPUANG LARI PI PAR ANTUA ...



BAPA, KALO WAKTU ITU BAPA ADA DI SINI, BETA PUNG SUDARA PASTI SENG MATI.



MARTA, KO PUNG SUDARA NANTI HIDUP KAMBALI.



BETA TAU BAPA ... BETA TAU KALO DIA NANTI HIDUP KAMBALI WAKTU TUHAN KASI HIDUP ORANG-ORANG YANG SU MATI, WAKTU DUNYA INI KIAMAT.



BETA INI SUDA YANG KASI HIDUP ORANG-ORANG YANG SU MATI DENG BIKING DONG HIDUP DENG ALLAH SAMPE SELAMANYA; SAPA YANG PARCAYA BETA, PASTI DIA HIDUP BIAR DIA SU MATI.



KO PARCAYA APA YANG BETA BILANG INI KA SENG?

BAPA E, BETA PARCAYA KALO BAPA INI RAJA BASAR YANG KASI SLAMAT ORANG-ORANG. BAPA INI ALLAH PUNG ANA YANG ANTUA SU JANJI PAR DATANG DI DUNYA INI.




KAMONG KUBUR LAZARUS DI MANA?

BAPA E, MARI IKU LA BAPA LIA SANDIRI SUDA.







TARUS ORANG-ORANG BICARA TENTANG MUJIZAT ITU, SAMPE IMAM-IMAM DI YERUSALEM DAPA DENGAR AKANG LAI ...

... LA SAMPE DONG LAI JADI TAKU.



EH, KATONG MUSTI BIKING APA? BARANG SKARANG SU PALING BANYA YANG PARCAYA ORANG ITU!

KALO KATONG KASI BIAR DIA, PEMERINTA ROMA PASTI PIKIR KALO KATONG NANTI MARONTAK!

HMM ...

LA DONG NANTI KASI ANCUR ALLAH PUNG RUMA TINGGAL INI LAPIS DENG KATONG PUNG BANGSA!



COBA KAMONG PIKIR MASALA INI BAI-BAI ...

... LABE BAI SATU ORANG MATI DARIPADA KATONG PUNG BANGSA YANG ANCUR.



BERARTI YESUS MUSTI MATI!

MO PEMERINTA ROMA SAJA YANG PUNG HAK PAR KASI HUKUMAN MATI, JADI ORANG YAHUDI PUNG PEMIMPIN-PEMIMPIN ITU DONG USAHA CARI JALANG PAR TANGKAP YESUS LA SARAKAN ANTUA PAR DONG.




TARUS HARI RAYA PASKA SU MAU DEKAT, LA ORANG ISRAEL PALING BANYA BANYA DARI TAMPA-TAMPA LAING PI DI YERUSALEM.



YESUS DENG ANTUA PUNG MURID-MURID LAI DATANG DI YERUSALEM. P ADAHAL ANTUA SU TAU PAR NANTI ANTUA DAPA TANGKAP DI SANA.



ALLAH PUNG RUMA TINGGAL,
DI KOTA YERUSALEM PUNG TENGA-
TENGA, ITU YANG JADI PUSAT PAR
SAMUA HAL YANG ORANG YAHUDI
BIKING PAR SEMBA ALLAH.



WAKTU HARI RAYA PASKA,
ORANG YAHUDI BUNU ANA DOMBA
YANG PALING BAGUS ...



... BOLE AKANG JADI
KORBAN PERSEMBAHAN PAR
ALLAH PAR HAPUS DOSA-DOSA.



PADAHAL, DOMBA PUNG
DARA SENG BISA PAR HAPUS
MANUSIA PUNG DOSA-DOSA.



ALLAH PUNG RUMAH TINGGAL PUNG HALAMAN ITU TAMPA YANG KUDUS,
MO SKARANG AKANG SU JADI PASAR PAR TAMPA BAJUAL. DONG JUAL BINATANG
YANG DONG BIASA PAKI PAR BIKING KORBAN, DENG TAMPA TUKAR UANG PAR BALI
BINATANG ITU.



TARUS YESUS SAMPE DI SITU LA LIA SAMUA ITU ...



"BETA PALING CINTA ..."



"... ALLAH PUNG RUMA ..."



"... BETA PUNG CINTA ITU ..."



"...BISA BIKING BETA CILAKA."




DI ALLAH PUNG KITAB SU TULIS BAGINI: "BETA PUNG RUMA NANTI JADI TAMPA PAR SAMUA BANGSA DATANG SAMBAYANG."



MO KAMONG SU BIKING AKANG JADI PANCURI PUNG TAMPA BAKUMPUL.



HE! KATONG MUSTI BUNU ORANG INI!



YESUS AJAR ORANG BANYA
DI ALLAH PUNG RUMA TINGGAL
WAKTU HARI RAYA PASKA.

MO SENG ADA SATU ORANG
LAI DARI ORANG YAHUDI PUNG
PEMIMPIN-PEMIMPIN YANG BARANI
PAR TANGKAP ANTUA, BARANG
ADA ORANG BANYA DI SITU.











TARUS YESUS AJAK ANTUA PUNG MURID-MURID PAR PI DI LUAR KOTA YERUSALEM.

JANG HATI SUSA.
BETA MAU PI DI
SANA KAMUKA KASI
SIAP TAMPA PAR
KAMONG.

BETA NANTI BALE LAI LA BAWA
KAMONG PI SANA. BETA BIKING
BAGITU, BOLE DI TAMPA YANG
BETA ADA, KAMONG LAI NANTI
SAMA-SAMA DENG BETA DI SITU.

LA BETA NANTI
MINTA ALLAH BAPA PAR
KASI ANTUA PUNG ROH
PAR TOLONG KAMONG
GANTI BETA.

ALLAH PUNG ROH NANTI KASI INGA
KAMONG TENTANG SAMUA HAL YANG
KAMONG PERLU TAU TENTANG APA
YANG BETA PERNA BILANG, DENG
AJAR KAMONG TENTANG SAMUA ITU.



TARUS DONG SAMPE DI
TAMAN SATU YANG AKANG
PUNG NAMA GETSEMANI.



YESUS SURU ANTUA
PUNG MURID-MURID
DUDU DI TAMPA SATU.



MO ANTUA SURU PETRUS,
YAKOBUS, DENG YOHANIS PAR
MASU TARUS DI DALAM.

BETA PUNG HATI PALING SEDI SKALI,
MACAM BETA RASA MAU MATI. KAMONG
TINGGAL DI SINI LA SAMA-SAMA
MATAWANA DENG BETA.



LA YESUS PI JAU SADIKI
DARI DONG LA SAMBAYANG.

BAPA E! KALO
BAPA MAU, LA BAPA
TOLA SENGSARA INI
DARI BETA.



MO BAPA JANG IKU BETA PUNG
MAU, MO IKU BAPA PUNG MAU SAJA!







KUKURUKU!



TARUS, PETRUS INGA APA YANG YESUS BILANG.



KO INI ALLAH PUNG JURU BICARA SATU KA? KALO BAGITU, KO KASTAU SUDA ...



... SAPA YANG BARU PUKUL KO?



HE! CAPAT BILANG PAR KATONG!

HAHAHA!



BILANG PAR KATONG, KO INI ALLAH PUNG ANA KA?

KO SANDIRI SU BILANG AKANG.

PAGI-PAGI SKALI, DONG BAWA YESUS PI MENGHADAP ORANG YAHUDI PUNG PEMIMPIN-PEMIMPIN. DONG TANYA ANTUA TARUS-TARUS, LA DONG BAWA MASU SAKSI-SAKSI PARLENTE, SAMPE AKANG PUNG TERAKIR ...



KAMONG DENGAR ITU?! ORANG YANG SUKA HINA ALLAH INI PANTAS PAR DAPA HUKUMAN MATI! SARAKAN DIA PAR PEMERINTA ROMA BOLE DONG HUKUM DIA!



TARUS PEMIMPIN-PEMIMPIN YAHUDI BAWA YESUS PI PAR KERAJAAN ROMA PUNG GUBERNUR PONTIUS PILATUS YANG ADA DI YERUSALEM.

DONG LAI BATARIA DENG BICARA PARLENTE PAR TUDU YESUS.

ORANG INI AJAR KATONG PUNG BANGSA PAR BIKING HAL-HAL YANG TARBAI!

DIA SURU KATONG JANG BAYAR PAJAK PAR RAJA BASAR ROMA!



PILATUS DENGAR SAMUA YANG DONG TUDU PAR YESUS, MO ADA SATU HAL YANG BIKING DIA HERANG.



KANAPA KO SENG JAWAB? KO SENG DENGAR DONG TUDU KO SU PALING BANYA?

MO YESUS DIAM SAJA.



BILANG PAR BETA, BATUL KO INI ORANG YAHUDI PUNG RAJA? APA YANG KO SU BIKING?

BETA LAHIR DENG DATANG DI DUNYA INI PAR JADI SAKSI TENTANG APA YANG BATUL.




LA KO KIRA ADA AJARAN YANG BATUL KA?



BETA SU PARIKSA DIA, MO SENG DAPA DIA PUNG SALA APAPA!

MO HARI INI HARI RAYA PASKA, JADI KAMONG PILI TAHANAN MANA YANG BETA MAU KASI BEBAS HARI INI!





LIA ORANG INI! KAMONG SU PUAS KA BALOM?

KASI SALIB DIA!

KASI SALIB DIA!

KASI SALIB DIA!



TARUS ORANG BANYA ITU PAKSA PILATUS, SAMPE DIA SURU TENTARA-TENTARA PI PAR KASI SALIB YESUS.

LA TENTARA-TENTARA ROMA PAKSA YESUS BAJALANG MO PIKUL ANTUA PUNG SALIB ITU SANDIRI.






DONG PAKSA YESUS PIKUL ANTUA PUNG SALIB ITU PI DI LUAR KOTA, DI BUKIT SATU YANG AKANG PUNG NAMA GOLGOTA ...

... YANG PUNG ARTI 'TENGGORAK'.



DI TAMPA ITU, DONG KASI SALIB YESUS.






PILATUS LAI SURU TENTARA-
TENTARA ITU PAKU PAPAN SAPANGGAL
DI ATAS YESUS PUNG KAYU SALIB ITU.
DI PAPAN ITU DONG TULIS DALAM TIGA
BAHASA BAGINI: "YESUS, ORANG
YAHUDI PUNG RAJA".



TENTARA ROMA BIASA KASI
ANGGUR CAMPUR EMPEDU PAR ORANG
YANG DAPA SALIB, PAR KASI RINGAN
DONG PUNG SENGSAARA ...



... MO YESUS SENG
MAU MINUM AKANG.

DI YESUS PUNG BAWA
SALIB, ADA TENTARA
BARAPA ORANG CABU UNDI
PAR ANTUA PUNG BAJU
PANJANG LUAR.




IYO! TURUN
SUDA, NANTI KATONG
PARCAYA KO!

KALO KO INI ALLAH
PUNG ANA, TURUN
DARI SALIB ITU SUDA!

ORANG LAING DIA KASI
SLAMAT DONG, MO DIA PUNG
DIRI SANDIRI DIA SENG
BISA KASI SLAMAT!

KO INI MESIAS
TO? KASI SLAMAT
KO PUNG DIRI DENG
KATONG LAI!


TAMANG E, KO SENG
TAKU ALLAH KA? KATONG INI
PANTAS PAR DAPA HUKUM! MO
ANTUA INI SENG PERNA BIKING
SALA SADIKI LAI!




BAPA E! NANTI KALO
BAPA SU JADI RAJA BASAR,
LA INGA BETA, E?



HARI INI LAI, KO
NANTI SAMA-SAMA DENG
BETA DI FIRDAUS.









WAKTU SIMON DENG YOHANIS SU PULANG, MARIA MAGDALENA DATANG DI YESUS PUNG KUBUR.

MO DIA SENG DAPA ANTUA PUNG MAYAT, LA DIA PALING SEDI SKALI, LA MANANGIS DI SITU ...




TAKAJO BAGINI ...

KANAPA KO MANANGIS? KO ADA CARISAPA?



BAPA, KALO BAPA ADA KASI PINDA ANTUA, BILANG PAR BETA BOLE BETA BISA AMBIL ANTUA.

MARIA SENG KANAL YESUS.




MARIA!



?!




BAPA GURU!!



JANG KO PEGANG BETA, BARANG BETA BALOM PI PAR BETA PUNG BAPA.

PI BILANG PAR BETA PUNG SUDARA-SUDARA: SKARANG BETA MAU PI PAR BETA PUNG BAPA DENG KO PUNG BAPA, PAR BETA PUNG ALLAH DENG KO PUNG ALLAH.



PAS HARI ITU, YESUS PUNG MURID DUA ORANG ADA PI DI KAMPUNG SATU, AKANG PUNG NAMA EMAUS. DONG PALING SEDI SKALI BARANG YESUS SU MATI DENG DONG MASI RAGU KALO ANTUA BISA HIDUP KAMBALI. DI TENGA JALANG, YESUS DATANG LA SAMA-SAMA DONG BAJALANG, MO ALLAH BIKING DONG SENG KANAL ANTUA. TARUS DONG ADA CARITA TENTANG YESUS YANG DAPA SALIB ITU ...

DOLO, KATONG HARAP KALO YESUS NANTI KASI BEBAS KATONG BANGSA ISRAEL. MO SKARANG, YESUS SU MATI TIGA HARI.

KANAPA KAMONG BALOM PARCAYA ALLAH PUNG JURU-JURU BICARA YANG SU BILANG KALO RAJA BASAR MUSTI SENGSA DOLO BARU ANTUA TARIMA HORMAT DENG KUASA YANG BASAR SKALI?

YESUS LAI KASI JELAS PAR DONG TENTANG APA YANG ADA TULIS DI KITAB-KITAB SUCI, YANG BICARA TENTANG ANTUA SANDIRI, MULAI DARI NABI MUSA PUNG KITAB-KITAB SAMPE DI ALLAH PUNG JURU-JURU BICARA LAING LAI PUNG KITAB-KITAB.



DONG SU SAMPE DI EMAUS, LA DONG MAKANG SAMA-SAMA, TAKAJA LAI YESUS ILANG DARI DONG!

ITU YESUS!



TARUS DONG BALE PI PAR YESUS PUNG MURID-MURID YANG LAING DI YERUSALEM ...

TAMANG-TAMANG! TADI KATONG BAKU DAPA DENG YESUS!

SIMON DENG MARIA LAI BAKU DAPA DENG YESUS!



TAKAJA BAGINI ...

BETA MINTA BOLE ALLAH BIKING BAI PAR KAMONG SAMUA!



TOMAS, KANAPA KO TAKU DENG RAGU-RAGU?

LIA BETA PUNG TANGAN DENG BETA PUNG KAKI. INI BATUL-BATUL BETA.




BAPA E! BAPA INI BETA PUNG RAJA BASAR DENG BETA PUNG ALLAH.

TARUS SELAMA 40 HARI, YESUS SKALI-SKALI KAS TUNJU ANTUA PUNG DIRI PAR ANTUA PUNG UTUSAN-UTUSAN.

LA SATU KALI, ANTUA KAS TUNJU DIRI LAI PAR 500 ORANG YANG PARCAYA ANTUA.

TARUS SATU HARI BAGINI, ANTUA PUNG MURID-MURID PI DI DANAU GALILEA LA BUANG JARING PAR TANGKAP IKANG.





WAKTU DONG ADA MAKANG ...

SIMON, KO SAYANG BETA KA SENG?



YESUS ULANG ANTUA PUNG PERTANYAAN LAI PAR SIMON ...

SIMON, KO SAYANG BETA KA SENG?



WAKTU YESUS TANYA DIA SAMPE TIGA KALI ...

BAPA TAU PAR BETA PALING SAYANG BAPA!

KALO BAGITU, KO JAGA BETA PUNG DOMBA-DOMBA ...



ALLAH BAPA SU KASI KUASA PAR BETA PAR PARENTA SAMUA YANG ADA DI SORGA DENG DI DUNYA INI.

JADI, KAMONG PI PAR SAMUA SUKU BANGSA DI DUNYA INI LA AJAR DONG BOLE DONG JADI BETA PUNG MURID, DENG KASI PERMANDIAN DONG PAKI BAPA, ANA, DENG ROH KUDUS PUNG NAMA.

KAMONG AJAR DONG PAR BIKING IKU SAMUA PARENTA YANG BETA SU AJAR PAR KAMONG.

... DENG IKU BETA!



DENG INGA BAI-BAI, BETA NANTI SAMA-SAMA DENG KAMONG TARUS, SAMPE SELAMANYA!

YESUS UCAP BERKAT PAR DONG ABIS, LA ANTUA TARANGKA NAI DI SORGA. TARUS YESUS PUNG MURID-MURID SEMBA ANTUA, LA DONG BALE PI DI YERUSALEM DENG HATI SANANG SKALI.

MO ANTUA SU PERNA BILANG KATA ANTUA NANTI DATANG KAMBALI.

DI YERUSALEM, YESUS PUNG MURID-MURID BAKUMPUL DENG SAMBAYANG. DONG TUNGGU SAMPE ALLAH BAPA KASI ANTUA PUNG ROH YANG ANTUA SU JANJI ITU. BARANG YESUS SU PERNA BILANG BAGITU PAR DONG.

ALLAH PUNG ROH ITU YANG NANTI SALALU ADA PAR TOLONG DONG, AJAR DONG, DENG KASI INGA DONG TENTANG SAMUA YANG YESUS SU AJAR PAR DONG.

ALLAH PUNG ROH KUDUS KUASAI MURID-MURID SAMPE DONG JADI SAKSI PAR ORANG-ORANG KALO YESUS ITU RAJA BASAR, ALLAH PUNG ANA, DENG ANTUA YANG TEBUS MANUSIA DARI DONG PUNG DOSA-DOSA!



BASUDARA E!
DENGAR APA YANG BETA MAU BILANG INI!

YESUS YANG KAMONG SU KASI SALIB ITU, ALLAH SU KASI HIDUP ANTUA KAMBALI!

MAUT SENG ADA PUNG KUASA PAR ANTUA, MO ALLAH SU ANGKA ANTUA PAR JADI RAJA BASAR YANG KASI SLAMAT ORANG-ORANG DENG PEGANG PARENTA DI ATAS SAMUA.

KATONG SAMUA JADI SAKSI DARI HAL ITU!!

LA BIAR ORANG BANYA TANTANG DONG, MO DONG KASTAU BERITA TENTANG YESUS TARUS. DONG PI DI YERUSALEM, JUDEA, SAMARIA, DENG PAR SUKU-SUKU BANGSA LAING LAI DI LUAR ISRAEL ...



YESUS ITU ALLAH PUNG ANA!!



DONG LAI KASTAU BERITA TENTANG YESUS LEWAT SURAT-SURAT ...

DOLO, KATONG MATI GARA-GARA DOSA, MO YESUS SU PIKUL KATONG PUNG DOSA-DOSA DI KAYU SALIB, BOLE KATONG BISA HIDUP PAR BIKING IKU ALLAH PUNG MAU.

YESUS PUNG MURID-MURID JAGA KASTAU KABAR BAI, SAMPE ORANG BANYA PARCAYA YESUS.

DONG INI SU TABAGI-BAGI DI SAMUA TAMPA DI DUNYA INI, MO DONG TETAP BIKING HAL YANG SAMA:

DONG BIKING IKU YESUS PUNG PARENTA PAR BAKU SAYANG, LA DONG INGA KALO ANTUA MATI PAR DONG DI KAYU SALIB, DENG DONG TARUS KASTAU TENTANG RAJA BASAR YESUS PAR SAMUA ORANG BOLE ORANG-ORANG YANG PARCAYA DENG SLAMAT TAMBA BANYA.

INGA TARUS, KALO
RAJA BASAR YESUS ...



... SU SARAKAN ANTUA PUNG
TUBU PAR TEBUS SAMUA
ORANG DI DUNYA INI DARI
DONG PUNG DOSA-DOSA ...



... BOLE SAPA SAJA
YANG PARCAYA ANTUA,
DAPA AMPUNG DARI
DIA PUNG DOSA.



BARANG ALLAH PALING SAYANG SKALI ORANG-ORANG DI DUNYA INI, SAMPE ANTUA
KASI ANTUA PUNG ANA YANG SATU SAJA, BOLE SAPA SAJA YANG PARCAYA ANTUA PUNG
ANA ITU, DIA SENG MATI SAMPE SELAMANYA, MO HIDUP DENG ANTUA SAMPE SELAMANYA.

CARITA TENTANG YESUS ITU ORANG TULIS DALAM ALKITAB


Orang tulis carita tentang Yesus itu dalam Alkitab. Dari samua buku di dunya ini, seng ada buku yang orang salalu baca akang macam deng Alkitab. Alkitab itu banya kitab yang orang dolo-dolo kumpul jadi satu buku. Dari waktu dong tulis akang pung kitab pertama sampe waktu dong tulis akang pung kitab terakhir, samua itu makang waktu 1.500 taun. Dong abis tulis Alkitab kira-kira 1.900 taun yang lalu. Di dalam Alkitab, ada paling banya carita tentang Allah yang salalu ada sama-sama dalam manusia pung hidup, deng Raja Basar Yesus pung carita yang batul-batul kas tunju sapa itu Allah.


KABAR BAI TENTANG YESUS

Dalam Alkitab, ada ampa kitab yang tulis tentang Raja Basar Yesus pung kehidupan selama Antua ada di dunya ini. Kitab-kitab itu, orang bilang "Injil" yang akang pung maksud "Kabar Bai tentang Yesus". Ada ampa orang yang tulis kitab-kitab Injil ini, dong pung nama **Matius, Markus, Lukas deng Yohanis**. Dong hidup di jaman waktu Yesus hidup di dunya ini. Matius deng Yohanis itu termasuk Yesus pung murid dua blas orang itu. Waktu Markus ketemu deng Yesus dia masi remaja. Mo Lukas itu dokter yang iku Paulus pung perjalanan par kastau Kabar Bai tentang Yesus.

Paulus: Dia seng termasuk dua blas murid Yesus. Waktu dia masi muda, mo dia su masu kumpulan Farisi, deng dia suka siksa orang Kristen waktu Raja Basar Yesus su tarangka nai pi sorga. Mo waktu dia pi di kota Damsik par mau tangkap orang-orang yang iku Yesus pung ajaran, Raja Basar Yesus sandiri kas tunju Antua pung diri deng panggil Paulus par jadi Antua pung murid lai.

Mulai dari waktu itu, Paulus ajar banya orang yang mau iku Raja Basar Yesus di banya tampa, deng biking dong jadi jamaat-jamaat. Waktu dia kuliling satu kota pi satu kota par kastau Kabar Bai, dia tulis surat-surat par Yesus pung orang-orang di tampa laing. Di dalam Alkitab ada 14 surat yang dia tulis, mo di dalam dia pung surat-surat itu dia bilang kalo Raja Basar Yesus itu paling penting par katong pung hidup, kalakuang deng pikiran samua. Deng dia lai tulis tentang dunya baru yang mau datang, yang nanti Raja Basar Yesus pimpin akang.





RAJA BASAR YESUS MATI DENG HIDUP KAMBALI

Kanapa Raja Basar Yesus musti mati? Katong bisa dapa akang pung jawaban dalam Alkitab.

Tuhan lia samua orang di dunya ini su biking hal-hal yang jahat, yang seng iku Tuhan pung mau. Hal-hal yang jahat deng yang seng batul yang katong biking itu, akang pung nama dosa. Dosa-dosa itu yang biking katong susa baku bai deng Allah. Raja Basar Yesus pung tujuan datang di dunya ini par biking katong deng Allah baku bai. Antua rela tanggung hukuman mati di kayu salib gara-gara katong pung dosa-dosa. Gara-gara itu sampe katong bisa baku bai deng Allah. Mo katong musti batul-batul manyasal par katong pung dosa deng sala dolo, baru bisa katong roba katong pung pikiran deng kalakuang yang tarbai, bole Allah kasi ampung katong.

Raja Basar Yesus seng cuma mati saja par tebus katong pung dosa, mo abis itu Antua lai hidup kambali. Allah yang su kasi Antua hidup kambali. Deng cara itu, Allah kasi tunju kalo Antua pung kuasa paling basar skali, sampe Antua bisa biking orang mati hidup kambali. La skarang ini, Raja Basar Yesus ada sama-sama deng Allah Bapa di sorga. Antua hidup! Deng Antua rindu par jadi katong pung tamang bai par tolong katong hidup bai, deng kasi sanang Allah pung hati.

Kalo ko mangaku dosa-dosa yang ko su biking deng mau baku bai deng Allah, ko bisa sambayang macam bagini:

SAMBAYANG MINTA AMPUNG PAR DOSA-DOSA

Tuhan, beta tau kalo Bapa paling sayang
beta deng Bapa mau biking bai par beta.

Bapa su kasi Bapa pung Ana yang satu saja, bole Antua
mati di kayu salib par tebus beta dari dosa pung kuasa.

Beta paling manyasal. Bapa kasi ampung beta pung dosa-dosa.

Beta minta tarima kasi barang Raja Basar Yesus
mau bantu beta jadi orang yang bai.

Beta mau baku bai deng Bapa.

Bapa tolong beta bole beta bisa salalu
biking Bapa pung hati sanang.

Bapa e! Tolong tetap sama-sama deng beta tarus.

Bapa tarima kasi barang Bapa su dengar beta pung sambayang.

Trima kasi Bapa, barang Bapa salalu kasi apa
yang Bapa su janji par katong.


Amin.

JALANG CARITA WAKTU YESUS LAHIR

Raja Basar Yesus pung mama nama Maria. Waktu Yesus lahir mo Antua pung mama Maria balom kawing. Deng Maria lai masi perawan, mo Allah biking satu mujizat sampe Maria bisa melahirkan Yesus. Waktu Yesus balom lahir lai, mo mujizat ini Allah pung juru-juru bicara su tulis akang. Raja Basar Yesus seng lahir dalam istana ka dalam keluarga orang kaya, mo Antua lahir di kandang binatang barang su seng ada tampa lai par Antua.

RAJA BASAR YESUS BIKING MUJIZAT BANYA SKALI

Raja Basar Yesus biking mujizat paling banya. Di Alkitab ada labe dari 40 carita tentang Yesus kasi sembu orang, deng ada banya orang laing lai pung carita, mo orang seng tulis di Alkitab. Mujizat-mujizat yang Yesus biking itu kas tunju Allah pung kuasa deng Antua pung hati bai par manusia. Mujizat-mujizat itu lai mau kasi tunju kalo Antua mau tolong orang-orang deng kasi hidup yang sanang par dong.



YESUS DENG KATONG

Raja Basar Yesus pung carita balom selesai. Antua su jadi tamang bai par banya orang, dari dolo sampe skarang ini. Skarang dunia seng sama dolo lai, banya orang su seng nai keledai ka kuda par pi mana-mana, mo Yesus tetap sama. Antua masi bisa paling dekat deng katong, sama deng orang dolo-dolo bisa kanal Antua waktu Antua bajalang kuliling di Israel pung tana. Katong seng bisa lia Antua deng mata kapala, mo Antua batul-batul ada deng katong. Deng skarang ini lai, Antua mau par jadi katong pung tamang bai. Kamong bisa dengar Antua pung suara deng sarakan kamong pung hidup par Antua.

Kalo kamong mau tau labe banya tentang Raja Basar Yesus pung hidup deng bagimana kamong bisa hidup satu hati deng Antua, lebai kamong biking hal-hal ini:

- 1. Baca Alkitab** (conto, kamong bisa baca akang mulai dari Injil Lukas).
- 2. Sambayang** (bicara deng Allah la dudu dengar Antua pung parenta). Seng perlu paki kata-kata yang bagus.
- 3. Ketemu deng orang-orang laing yang parcaya Yesus la bicara tentang Antua.** Raja Basar Yesus pung mau bole orang-orang yang iku Antua bakumpul di satu tampa par satu kasi kuat satu pung hati, deng sama-sama balajar bole dong tau labe banya tentang Antua.
- 4. Kalo kamong mau, katong di yayasan SABDA siap par bantu kamong kanal Yesus labe dalam lai. Kamong bisa lia di mesias.sabda.org.**

Text and illustrations: Willem de Vink.

Copyright ©1993 Stichting Wereldtaal, Houten, The Netherlands. Published in Dutch as "Jezus Messias".

Edition in Bahasa Malayu Aru © 2020

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

Worldwide co-edition organized and produced by:

e-mail: jmpbk.app@gmail.com



CARITA TENTANG YESUS INI, AKANG BATUL-BATUL TERJADI DENG ITU BATUL. YESUS ITU ALLAH PUNG ANA DENG ANTUA ITU RAJA BASAR YANG KASI SLAMAT ORANG-ORANG.

ANTUA YANG PUNG KUASA PAR KASI HIDUP ORANG MATI, YANG BIKING ORANG BUTA BISA DAPA LIA, DENG KASI KALA SETANG-SETANG. YOHANIS KASTAU KALO YESUS ITU ALLAH PUNG ANA DOMBA. ANTUA PUNG DARA TUMPA DENG ANTUA MATI DI KAYU SALIB PAR TEBUS MANUSIA DARI DONG PUNG DOSA-DOSA.

YESUS BILANG KALO KATONG KAS TINGGAL KATONG PUNG DOSA-DOSA LA IKU ALLAH PUNG MAU DENG PARCAYA YESUS ITU RAJA BASAR YANG KASI SLAMAT ORANG-ORANG, ANTUA NANTI BIKING KATONG HIDUP DENG ALLAH SAMPE SELAMANYA.

KAMONG MINTA TOLONG PAR ANTUA, LA ANTUA NANTI KASI SELAMAT KAMONG!